




Kommune  
Qeqertalik

# QASIGIANNGUANI UKIUKKUT SULLISSINISSAQ KOMMUNE QEQERTALIK



## Ukiukkut sullissinermi atugassarititat

Dato : 29. september 2021  
Udarbejdet : JEKR  
Kontrolleret : SLA  
Godkendt : INNI

KOMMUNE QEQERTALIK  
Niels Egedes Plads 1  
Postboks 220 - 3950 Aasiaat

qeqertalik@qeqertalik.gl  
www.qeqertalik.gl

Tlf. (+299) 70 19 00  
Fax (+299) 70 11 77

CVR: 37488895  
Kontonr. 6471-1618471

AMMASARFIIT | ÅBNINGSTIDER: Ataa. | Man. - Tall. | Fre. : 09:00 - 15:00

Qup. | Side 1/8



## Imarisaai

1.0	NALINGINNAASUMIK.....	3
1.2	Suliassap annertussusaa.....	3
1.3	Suliassamik allangortitsineq.....	4
1.4	Pitsaassuseq.....	4
1.5	Quasakkunnaarsitsiniarneq (siorarterineq).....	5
2.00	Neqeroortitsisup suliassai.....	5
2.1	Ataatsimiinnerit.....	5
2.2	Ukiuunerani pigaartoq.....	6
2.3	Nakkutilliineq I.....	6
3.00	Sanaartugassanik suliakkerneqartartup suliassai.....	6
3.1	Pilersaarusionerq.....	6
3.2	Sanaartugassanik suliakkerneqartartup atortui.....	7
3.3	Upalungaarsimaneq.....	7
3.4	Suliartoqqusaaneq.....	7
3.5	Sulisut.....	7
3.6	Nakkutilliineq.....	8



## 1.0 NALINGINNAASUMIK

Ukiukkut sullissineq innuttaasuniit maluginiarneqartorujussuusarpoq silarlutsillugu aqquserngit ingerlavigiuminarneranut isumannaassusianullu pingaaruteqartorujussuunera pissutigalugu.

Eqqortumik ukiukkut sullissinikku kikkut tamarmik ingerlaarsinnaanerat ingerlaarfiillu quasannginnerat qulakkeerneqassaaq. Tamatuma saniatigut makku INERTEQQUTAAPPUT

- aqquserngit naaffiini inuillu ikaartarfiini il.il. aputinik katersuineq.
- sikkilertunik, biilnik allallu aputaajaanermi aputinik serpartaaneq

Malittarisassat isumaqatigiissutigineqarsimasut tunngavigalugit sulinikku illuatungeriillu inussiarnersumik qajassuussisumillu pissusilersornerisigut pissutissaqarluartumik uparuaanerit killilersimaaneqassapput.

## 1.2 Suliassap annertussusaa

Piffissaq ukiukkut aserfallatsaaliuisarneq ukiuni sisamanik sivisussuseqarpoq ullormit 01. november 2021 - 15. maj 2025 ilanngullugu.

Piffissaq ukiukkut aserfallatsaaliuinissaq aallartissaaq ullaassakku ulloq 30. oktober naammassissallunilu ulloq 15. maj, ullormili 15. maj suli aputaajaaneq ingerlanneqassappat taava ullaakku nal. 07.00 nalinginnaasumik ingerlaartoqarsinnaanera isumagineqassaaq.

Sæson opdelinger:

Ukioq 2021 – 2022	01. november 2021 - 15. maj 2022
Ukioq 2022 – 2023:	15. oktober 2017 - 15. maj 2023
Ukioq 2023 – 2024:	15. oktober 2018 - 15. maj 2024
Ukioq 2024 – 2025:	15. oktober 2019 - 15. maj 2025

Siorarterisarneq aqquserngit immikkoortunut aggorneri malillugit suliarinnittussarsionermi allassimasut malillugit suliarineqassapput takuuk 1.2.

Ukiup sinnerani aputaajaasitsineq pissaaq suliartoqqusisarnikku akiligassiisoqartarneratigullu.

Illoqarfiup aqquserngi immikkoortunut aggulugaapput, takuuk ilanngusaaq 3.

Sullissisup minnerpaamik telefonit marluk ulloq unnuarlu attavigineqarsinnaasut ikumatissavai



### 1.3 Suliassamik allangortitsineq

Isumaqatigiissutip nalaani suliassaq suliartoqqusisumit annikillineqarsinnaavoq annertusineqarsinnaallunilu.

Sullissisup akuerissavaa suliartoqqusisup aputaajaaqqusiartornermini taamaallaat nivattaatit/aputaajaanermut atortut ingerlaarfimmut suliartoqqusassagai. Imaluunniit akigitinneqartumut tassunga ilaatinneqartumik ilaannikkut sullissisoq alla ingerlaarfimmi suliartoqquneqarsinnaasoq. Tamanna sullissisumut taarsiisoqartinnagu pisinnaavoq.

### 1.4 Pitsaassuseq

Ingerlaarfinni quasakkunnaarsitsiniarneq (siorarterineq) aputaajaanerlu sapinngisamik pitsaassusaat qaffasissaaq allaaserineqartutullu piffissarititap iluani sularineqassallutik.

Aputaajaaneq aallartinneqartassaaq oqquisartortoqarpat imlt aput nakkaasoq 5 cm-imit qaffannerutinagu.

Aqquserngit immikkoortut A, B aamma C-imiittut, pisuinnarnut aqquutilik aqqusinernul-lu sinaakkutilik aqqusinngualillu, angallannermut pisuinnarnullu ajoqutaasumik apu-mmik apummillu itersalimmik qimatsivigineqartassanngillat.

Aqquserngup sulissusaa tamaat aputaajarneqartassaaq sinaaniittulli aamma innimigineqartas-sallutik (innaallagissanut napparutit, nakkarnaveequtit, puilasuliat il.il.).

Nalinginnaasumik aqquserngup sinaani aputip issunerulernissaa pinngitsoortinniarneqassaaq.

Aqqusinernut pingaanginnernut aqquutit, biilnut inissiiviit, qatserisartoqarfiit, napparsim-mavik, politiit, majuartarfiit aqqusinnguilu aputinik niffakunik asserneqaaqusaanngillat. Niffakut taamaattut katersoreeraanni piaarnerpaamik peerneqartassapput.

Niffakunik inissiinerit (aputaajaanermi niffakunik inissiinerit saniatigut allanik inissiineq) ima inissinneqassanngillat isikkivinnut, qimussit aqquataannut inissianullu ajoqutaassinnaallutik.

Immikkut eqqumaffiginiarneqassaaq aputip aakkiartulernerani inissiat eqqaannut niffakunik inissiisoqartassanngimmat.

Niffakunik inissiinnginnermi inissiivissat Teknik & Avatangiisinullu Immikkoortoqarfimmit akuerineqaaqqaassapput.

Aputaajaaffigisartakkat aserfallaatsaaliorneqassapput taamaalilluni ingerlaarfinnut ajoqutaannginniassamat. Sanaartugassanik suliassinneqartartup aputip aakkiartulernerani taseqerfiit kuuffissiorneqartarnissaat eqqumaffigissavaa.

Arlaannik pinartoqartillugu kommunimi ingeniøri, qatserisartut naalagaat, politiini napparsim-mavimmilu nakkutilliisoq ikiuiguasuarnissamik upalungaarsimasunik pilersitsissapput. Taamatut pinartoqartillugu



sanaartugassanik suliakkinneqartartup ikiuigasuarnissamik upalungaarsimasut sumiiffinni aputaajarneqaaqquusiffiini aputaajaasinnaassaaq.

### 1.5 Quasakkunnaarsitsiniarneq (siorarterineq)

Quatsersimatillugu sullissisup siorarterineq aallartissuaa aqqusinerni nalinginnaasumik angallannerit akornuserneqarpata, uani pineqarpoq siorarterineq aallartinneqassasoq aqquserngit isumannaatsumik pisuinnarnut pisuffigineqarsinnaajunnaarpata kiisalu biilit ukiorsiutininik assakaasullit ingerlaffigisinnaajunnaarpassuk.

Siorarterineq aqquserngit immikkoortui pingaarnersiorlugit ingerlanneqassooq.

Sullissisup silap aqquserngillu pissusaat arajutsisimappagit, Teknik & Avatangiisinullu Immikkoortoqarfik siorarterisitsisinnaavoq, sullissisup sianerfigineratigut. Sissuertullu oqarasuaataa akinngippat Immikkoortoqarfik allamik ikiortissarsiorsinnaavoq sullissisup akiligaanik akiliutissap tulliup tunniutinnginnerani ilanngaatigineqartussamik (qularnaveeqqut).

Siorarterisussap sioqqat nammineq isumagissavai kiisalu inissinneqarnissai Teknik & Avatangiisinullu immikkoortoqarfiup inissamut innersuutaanut inississallugit.

Teknik & Avatangiisinullu Immikkoortoqarfiup piginnaatippai siorarterinermik aallartitsinissamik nalunaarsinnaasutut:

Inoqarfik Aqutsisoq

Inoqarfik Aqutsisup taartaa

Illoqarfiup pisortaa

### Quasakkunnaartitsinerup sularinera:

Aqqusernup silissusaa tamakkerlugu siorarterisoqassooq, aqqusinermi angallanneq sinaaniittullu akisussaassusilimmik sianigalugit.

Pissutsit immikkut illuinnartut pissappata, Inoqarfiup Aqutsisua, Qatserisartut ittuat, pinerluttaalisitsisullu pingaartuat peqqissaaveqarfillu suligasuartussanik pilersitsissapput. Sullissisup paasilluartariaqarpaa, taamatut pisoqartillugu suligasuartuniik siorartereqquneqarnissaq.

## 2.00 Neqeroortitsisup suliassai

### 2.1 Ataatsimiinnerit

Ukiuunerani pigaartoq ukiuunerani nakkutilliisoq peqatigalugu silami ingerlatanik tamanik aqutsisuupput suliartoqqusisarnermullu atatillugu suliassap pilersaarusiornerani suliassallu sularineqarnerani neqeroortitsisup sanaartugassanik suliakkerneqartartumut sinniisorivai. Sanaartugassanik



suliakkerneqartartoq taassumalu ingerlatsisui taakkua nakkutilliinermik suliaqartut aqutigalugit ilitsersuutinik tunineqarsinnaapput.

Upalungaarsimanermi ukiuunerani pigaartooq, ukiuunerani nakkutilliisunit tapersorsorneqarluni, siulersuisuuvoq quasakkunnaarsitsiniaanissanullu aputaajaasitsinissanullu tamanut aalajagiisuulluni suliniarnermilu pingaarnertut tunngavissanik aalajangersaasuusassalluni.

## 2.2 Ukiuunerani pigaartooq

Ukiuunerani pigaartooq ukiuunerani nakkutilliisooq peqatigalugu silami ingerlatanik tamanik aqutsisuupput suliartoqqusisarnermullu atatillugu suliaassap pilersaarusiornernani suliaassallu suliarineqarnerani neqeroortitsisup sanaartugassanik suliakkerneqartartumut sinniisorivai. Sanaartugassanik suliakkerneqartartoq taassumalu ingerlatsisui taakkua nakkutilliinermik suliaqartut aqutigalugit ilitsersuutinik tunineqarsinnaapput.

Upalungaarsimanermi ukiuunerani pigaartooq, ukiuunerani nakkutilliisunit tapersorsorneqarluni, siulersuisuuvoq quasakkunnaarsitsiniaanissanullu aputaajaasitsinissanullu tamanut aalajagiisuulluni suliniarnermilu pingaarnertut tunngavissanik aalajangersaasuusassalluni.

## 2.3 Nakkutilliineq I

Ukiuunerani pigaartooq/ukiuunerani nakkutilliisut suliartoqqusisoqartillugu suliaap aallartinneraniit naammassinissaamut piffissaq nalunaarsortassavaat. Tamatuma saniatigut piffissap ilaani suliaap pitsaassusaa isumaqatigiissutillu naapertorlugit suliarineqarsimanersooq misissorneqartassaaq.

Taamalu pisoqarsimanngippat sanaartugassanik suliakkerneqartartup piaarnerpaamik amigaatit aqqinniassavai. Suliaap suliarinerani arlaleriarluni amigaatit nalunaarutigineqarsimappata taava isumaqatigiissummik uniinertut isigineqassapput akiligassanut ilanngaatitut naatsorsuunneqarsinnaallutik.

## 3.00 Sanaartugassanik suliakkerneqartartup suliaassai

### 3.1 Pilersaarusiorneq

Upalungaarsimaffiissap aallartinnginnerani ullut qulit sioqqullugit sanaartugassanik suliakkerneqartartup atortunut, ingerlatsisunut kiisalu pigaartunut pilersaarutit nalunaarsorneqarneri niffakunillu inissiivissatut siunnersuutit tunniutereersimassavai.

Sanaartugassanik suliakkerneqartartup taassumalu ingerlatsisui ukiut tamaasa upalungaarsimanissap aallartinnginnerani suliartoqqusiarortartoq peqatigalugu aqutit tamaasa misissortassavaat nalinginnaasumillu suliaqarfissat isumaqatigiissutigisassallugit, taamaalilluni aqquuserngit pingaarnertit salliutinneqarnissaat suliaqaranilu ingerlaarnissap minnerpaamiitinnissaa qulakkerneqarsinnaaniassammata.



### 3.2 Sanaartugassanik suliakkerneqartartup atortui

Sanaartugassanik suliakkerneqartartup atortut pisariaqartinneqartut pigeriissavai.

Suliassamut ataatsimut minnerpaamik lastbiili aamma/imaluunniit aputaajaat ataaseq sanaartugassanik suliakkerneqartartup pigeriissavai. Qamutit pitsaasuussapput suliassamullu isumaqatigiissutigineqarsimasumut atorineqarnissaannut naleqquttuussallutik.

Atortunik ajutoortoqartillugu sanaartugassanik suliakkerneqartartup suliassat atortunik allanik akuerisaasunik atorluni suliarisassavai. Ukiuunerani pigaartoq/nakkutilliisut atortoq alla atorineqalersinnagu ilisimatinneqartassapput.

Atortoq atorineqanngikkaangami sanaartugassanik suliakkerneqartartup nammineq inissaataanut inissinneqartassaaq. Sanaartugassanik suliakkerneqartartup atortua sulinerup nalaani suliassami matumani pineqartumut taamaallaat atorineqartassaaq.

Suliaq eqqortumik ingerlanneqarsimaneranut nalunaarsuiffissatut aputaajaatit nutaaliat paasissutissanik katersuivimmik GPS-imillu ikkussivigineqarsinnaapput.

### 3.3 Upalungaarsimaneq

Upalungaarsimaneq nalaani sanaartugassanik suliakkerneqartartoq telefonikkut aalajangersimasumut attavigineqartuarsinnaasassaaq. Telefonip normua allakkatigut suliartoqqusisartumut upalungaarsimanissap aallartinnissaata ullut qulit sioqqullugu nalunaarutigineqassaaq.

Telefonsvari, personsøgeri assigisaaluunniit atorineqaaqusaanngilaq.

Telefonip normuanik allanngineq ukiuunerani pigaartumut allakkatigut nalunaarutigineqassaaq.

### 3.4 Suliartoqqusaaneq

Ukiuunerani pigaartoq/nakkutilliisut sanaartugassanik suliakkerneqartartoq sianerfigalugu suliartoqqusassavaat. Qaagukkulluunniit suliartoqqusisoqarsinnaavoq. Sanaartugassanik suliakkerneqartartup nammineerluni ingerlatsisuni suliartoqqusassavai.

Sanaartugassanik suliakkerneqartartut aqqusinerni A, B C-milu aputaajaasartut suliartoqquneqareermermi kingorna kingusinnerpaamik minutsit 60-it qaangiutsinnagit aputaajaalereertassapput.

Sanaartugassanik suliakkerneqartartup suliassap inatsisinut sukkulluunniit atuuttunut eqquutinneqarnissaa akisussaaffigaa.

### 3.5 Sulisut

Sanaartugassanik suliakkerneqartartoq/Ingerlatsisut suliartoqqusisartup iltersuineranut aputaajaaffissani kaajallaassineranut peqataassapput.

Neqeroornermi immersuivissami paasissutissanut immersuivimmi ilanngunneqarsimasumut lastbiilinik ingerlatsisut tamarmik aqqi allanneqassapput.



Ingerlassisoq biilertunut innuttaasunullu allanut qajassuussissaaq suliamillu suliarinninnerminut ukiuunerani pigaartup ilitsersuutaanik malinnissalluni.

Ingerlatsisup ukiuunerani pigaartuq aamma nakkutilliisut kalaallisut qallunaatulluunniit paasiuminartumik attaveqaqatigisinnaassavai.

### 3.6 Nakkutilliineq

Sanaartugassanik suliakkerneqartartuq nammineerluni suliaq pitsaasumik suliarineqarneruq misissortassavaa, kiisalu:

- suliaq piffissarititap aalajangersap iluani aallartinneqarneruq
- suliassaq ingerlaarfissat assiliartaanut, ingerlaarfissat aallaaserineqarneranut ilitsersuutinullu naapertuuttumik suliarineqarneruq
- Nivattaat eqqortumik portussuseqarneruq aqqusinerullu naqitsineqarneruq, taamaalilluni aput annertunerpaaq piarneqarsinnaaniassammat

Nikingassutit paasineqarsimasut kiisalu atortut aserfallatsaaliorneqarnerannut paasissutissat ukiuunerani pigaartumut/nakkutilliisunut paasissutissiissutigineqassapput.